



Un lunis di matine Jacum i dîs a la sô femine:

- Sante, jo cumò o voi vie. Se al ven chel di Gonars, tu âs di dîi che jo lu spieti devant dal domo di Palme a misdî.

- Sì.

- Âstu capît?

- Sì, sì.

- Se al ven chel di Gonars, tu i disis che Jacum lu spiete a Palme devant dal domo.

- Sì.

- A ce ore?

- A misdî.

- Bon.

Al pronte il cjaruç, al tache il mus, po al torne in cjase.

- Sante, se al ven chel di Gonars, tu as di dîi che jo lu spieti a Palme li dal domo, a misdî.

Âstu capît ben?

- Sì.
 - Ripet.
 - Se al ven chel di Gonars o ai di dîi che tu lu spietis a Palme.
 - A ce ore?
 - A misdì.
 - Dulà?
 - Devant dal domo.
 - Brave. No stâ a dismenteâti, eh!
- Al monte sul cjar, gjie, al partìs.
Nol à fat cincuante metris che al si sint a clamâ:
- Jacum, Jacum!
- Al ferme il mus, al cjale indaûr, e je la femine, dute sbirlufide che i cor incuintri, sfladade.
- Ce ise cumò?
 - Jacum...?
 - E alore?
 - Jacum... e se nol ven chel di Gonars?
- In Asie o intes Americhis e inta chei altris continents, Jacum nol podeve sigurâlu, ma in Europe, sì, in Europe al jere sigûr!
- Sante... tu sês la femine plui stupide d'Europe!

di Laurin Zuan Nardin